



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1709. usque ad annum 1714

**Fleury, Claude**

**August. Vind. [u.a.], 1782**

**VD18 90119266**

§. 26. Pontificis Constitutio a quadraginta Franciæ Præsulibus acceptata.

---

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

Sæc. XVIII. tioni deferre renuebant, veriti, ne  
 A. C. 1714. Quesnellistis justam ansam præberent,  
 opponendi, quod Papa propositiones  
 tam boni quam mali sensus capaces  
 damnare non potuerit, quin veritatem  
 cum errore confunderet, ejus ergo  
 Bulla, utpote ambigua, explicatione  
 indigeret.

## §. XXVI.

*Papæ Constitutio a quadraginta  
 Franciæ Præsulibus acceptata.*

*Lafiteau  
 Hist. de la  
 Const. Liv. I.  
 pag. 168.  
 Dorfan.  
 Journal.  
 t. I. p. 96.*

Ad Noailii Cardinalis preces Rex  
 Sessionem, in qua Constitutio re-  
 ciperetur, ad decimam quintam Januarii  
 differri consensit: interim Rohanius  
 Cardinalis instructionem Pastoralem  
 Noailio & Deputatis die octava Ja-  
 nuarii exhibuit, ex his quidam illam  
 tot vitiis, totque injuriis contra Ques-  
 nellum ejusque librum scatere totque  
 immodicis encomiis erga Papam tur-  
 gidam esse arbitrati sunt, ut eam ce-  
 teris Episcopis minime esse tradendam  
 edicerent: die decima tertia ejusdem  
 Mensis Rohanius Cardinalis accepta-  
 tionis typum, instructionem Pastoralem  
 seu epistolam encyclicam, quæ ad om-  
 nes Regni Episcopos pro uniformi Con-  
 stitutionis admissione transmitteretur,  
 rursus prælegendam tradidit, petiitque  
 ut



ut suam desuper quisque sententiam declararet: Displicuit ea soli Noaillio, nonnulli quidem varia emendari posse, temporum tamen cedendum pronuntiabant, potissimi tamen, ne Papam offenderent, infestum Judicum nomen omittere petebant, de cetero ad humilem mutamque submissionem cunctos teneri profitebantur: Eadem adhuc die octo Præsules ad Noaillii Palatium convenere, declarantes, quod proximæ Sessioni interesse nollent, sed suam sententiam literis ad Regem dandis declaraturi essent: Enimvero die decima quarta Januarii præfatas literas suo chirographo munitas Regi per Voisinium tradidere: Attamen Rex eis significari jusserat, ut proximæ Sessioni assisterent, eo quod Rex cuilibet Episcopo suam ibidem sententiam proferendi libertatem omnino integram relinqueret. Hoc Regis mandato per Noaillum ceteris octo Præsulibus significato, una omnes decrevere, se quidem Sessioni interfuturos, sed tamen Deputatorum relatione & sententiis perceptis, quid deinceps agendum, deliberaturos: Ceterum de horum oppositione postea mentio recurret.

Illuxerat igitur decima quinta Januarii dies solemni sessioni præfixa, in qua Noaillius juramento ab Episcopis antea

Sæc. XVIII.  
A. C. 1714.



Sæc. XVIII antea absentibus exacto, Commissarios, A. C. 1714. quibus congruum Constitutionis admittendæ modum excogitandi negotium erat demandatum, suam relationem proponere paratos esse aiebat: his dictis Rohanius Cardinalis ceterorum nomine, quid desuper actum fuerit, retulit, hancque relationem usque ad diem vigesimam octavam ejusdem Mensis profecutus est. Ea absoluta, & ab omnibus comprobata Noaillius Pontificis Constitutionem prælegi jussit, ac cujuslibet desuper sententiam rogavit: quapropter Rohanius Commissariorum nomine, censemus, inquiebat, ut a toto confesso declararetur. I. Quod in hac Constitutione non sine maximo gaudio Ecclesiæ doctrinam agnoscant. II. Eam debita submissione & reverentia acceptent. III. Quesnelli reflexiones, necnon centum & unam propositiones inde extractas eo modo, quo a Pontifice censuris perstrictæ fuerunt, condemnent. IV. Quod construatur typus Instructionis Pastoralis, quam omnes Episcopi in hoc confesso congregati unacum Pontificis Constitutione Gallice reddita in suis Diæcesibus promulgent, ut, cum omnes in Cathedra Divi Petri, id est unitatis centro coadunati essent per doctrinæ eorundemque verborum uniformitatem, non modo damnati errores



res eradicari, sed etiam novæ alter-  
 cationes præveniri, fideles contra per-  
 versas malevolorum interpretationes  
 præmuniri possint. V. Ad omnes Re-  
 gni Archiepiscopos & Episcopos absen-  
 tes Constitutio unacum hujus confessus  
 actis & Instructione Pastoralis transmi-  
 tatur, cunctique admoneantur, ut sese  
 illis conformare, suarumque Diæcesium  
 fidelibus proscriptum librum vel alia  
 in ejus defensionem scripta legere, ven-  
 dere &c. inhi-beant, & Constitutionem  
 ad Episcopale Archivum reponant. VI.  
 Ad Papam literæ dentur, in qui-  
 bus eidem grates rependantur pro dam-  
 natione libri, eo magis perniciosi, quo  
 magis temerario ausu ad firmandos er-  
 rores ibi contentos S. Paginae & Pa-  
 trum verba adhibentur. VII. Pariter  
 Regi pro patrocinio Ecclesiae impenso  
 grates agantur, simulque is rogetur, ut  
 hanc Constitutionem ad acta referri,  
 in universo Regno promulgari, atque  
 etiam exemptos comprehendi, damna-  
 tumque librum, cunctaque in ejus de-  
 fensionem scripta supprimi, Regiis li-  
 teris juberet. His articulis a toto con-  
 fessu approbatis, die prima Februarii  
 Noaillius Instructionem Pastoralem,  
 cujus summam mox referemus, præ-  
 legi jussit.

Sæc. XVIII.

A. C. 1714.

§. XXVII.